

աղետալից գթոյ մերոյ զոր ունիմք առ ձեզ, հանապազ հոգ մեր դուք էք ի Տէր, եթէ որպէս կամ զիարդ էք ի ժամանակիս չար բերմանց ներքուստ և յարտաքուստ ներհակաց: Զոր և մոխրամած դիմօք և սրտահառաչ արտասու վօք խնդրեմք յԱստուծոյ, հանդերձ միաբան եղբայրութեամբս. միջնորդ ունեւոյ ի մաղթանս մեր՝ զամէնօրհնեալ սուրբ զԱստուածածինն և զՍուրբ Գրիգոր Լուսաւորիչն և զամենայն Սուրբս Աստուծոյ. զի իւր արարչական խնամովն և եռանդնաշարժ սիրովն գթասցի ի վերայ ձեր. ամէն: Եւ զամենայն պատահմունք տարերաց և տարադէպ փորձութիւնք սատանայի՝ որ գան ի վերայ աշխարհի՝ վասն ծովացեալ մեղաց մերոց, բարձցէ ի ձէնջ և յամենայն սահմանաց ձերոց. ամէն: Եւ լցուցէ զձեզ ամենայն բարութեամբ հոգոյ և մարմնոյ, տամբ և տեղօք, զարմօք և զաւակօք, որդովք և դստերօք, սիրելաւք և բարեկամաւք, այգօք և բուրաստանօք և ամենայն գոյիւք. ամէն: Այլ և Ժողովրդապետն ամենեցուն Յիսուս Քրիստոս՝ օրհնեսցէ զբոլոր ժողովուրդքդ. զքահանայքդ ընդ սուրբ քահանայիցն Մելքիսեթեկի և Ահարոնի օրհնեսցէ. զմեծատունքդ՝ ընդ մեծատանցն ողորմածաց ընդ Աբրահամու և ընդ Յոբայ համբերողին. զտանուտէրքդ՝ ընդ տանուտերանցն բարեպաշտից. զաղքատքդ՝ ընդ կամաւոր աղքատին Ղազարու. զժերքդ՝ ընդ ծերոյն Սիմէոնի, զերիտասարդքդ՝ ընդ Սահակայ և Յովսեփոյ. զմանկունս ձեր՝ ընդ Երից մանկանցն. զտղայս ձեր՝ ընդ տղայիցն մատուցելոց առ Քրիստոս. զճանապարհորդս ձեր՝ ընդ Մարխասայ և Կոստիարայ՝ շահավաճառ և արդիւնաւոր արասցէ. ամէն: Զարվեստաւորս ձեր ընդ Բերսեղիելի հանձարեղս արասցէ. ամէն: Զհողազործսդ՝ ընդ ճշմարիտ և քրտնալն աշխատողացն պսակեսցէ. ամէն: Զկանայս ձեր ընդ Իւղաբերից կանանցն օրհնեսցէ. և ամենայն որպիսութեամբ բարեաց զտունս և ըզշտմարանս ձեր լցուցէ. ամէն: Այլ և հայցեմք յամենասուրբ Երրորդութենէն, զի պատճառն բոլորից՝ ահեղն Աստուած Հայր երկնաւոր հաշտեսցի ընդ ձեզ. Ծագումն ի Հօրէ անճառ ծննդեամբ Որդին Միածին ծագեսցէ ի ձեզ զլոյս անճառ շնորհաց իւրոց. Հոգին Աստուած ահեղութեամբ չրջի ի վերայ ձեր, և բաշխէ զպարգևս անապական փառաց իւրոց. ամէն: Եւ տացէ ձեզ շինութիւն, անդորրութիւն, խաղաղութիւն, հիւանդաց առողջութիւն, գերելոց աղատութիւն, մեղաւորաց թողութիւն, անզղջիցն դարձ և ապաշխարութիւն, սգաւորաց մխիթարութիւն. անդաստանաց ձերոց պտղաբերութիւն. բուսոց և տնկոց աճողութիւն. անասնոց ձերոց անսխալ ծննդակաւնութիւն և ամենայն կենդանեաց առողջութիւն. ննջեցելոց ձերոց հանգիստ և արքայութիւն պարգևեցէ Քրիստոս Աստուածն մեր. ամէն: Այլ և բարեխօսութեամբ Սուրբ Աստուածածնին և Ս. Կարապետին և Ս. Լուսաւորչին, բացցէ Տէր Աստուած զդուռն հրաշից անճառ ողորմութեան իւրոյ ի վերայ ձեր. իբրեւ զցաւոս գարնանային, և իբրեւ զճառագայթս արեգականն, զկանուխն և զանագանն, ի տվէ և ի գիշերի, ի նստել ի տան և գնալ ի ճանապարհ, ի ննջել և ի յառնել, յուտել և ի յըմպել, յասել և ի լուել, գնել և ի ծախել, շինել և ի տնկել, գործել և ի հանգչել(ի) կեանք և ի մահ